

Number di pisca na Papiamento: "Tuna Hala Geel"

ORANJESTAD (AAN): Ban papia di number di pisca. Bo conoce bo piscanan? Un serie di articulo informativo cu ta ilustra algun pisca y nan number na Papiamento den cual Departamento di Agricultura, Cria y Pesca, conoci como Santa Rosa kier comparti y alabes haya informacion for di publico. Lesa na final di articulo con pa haci esaki.

Tuna Hala Geel, *Thunnus albacares*, Yellowfin Tuna: Tuna Hala Geel of Yellowfin Tuna ta un di tunanan mas grandi cu ta ser gara den nos awanan. E ta pertenece den e famia di Tuna. Tuna tin diferente tipo pero por lo general ta caracteriza pa nan curpa gordo y den forma oval manera di un bala di futbol americano. Tuna Hala Geel, su caracteristica cu mas ta resalta




ta su 2 finnan grandi y color geel. E por alcanza tamaño di 2 meter largo y pisa te casi 400 liber of 180 kilo.

Tuna ta un grupo di pisca di importancia rond mundo pa alimentacion y ta ser usa tanto den mochi, filet pero tambe empaketa den e.o. bleki. Ademas Tuna ta popular tambe pa pesca recreativo.

Descripcion: Tuna Hala Geel ta un pisca oval, gordo, den forma di un bala di futbol ameri-

cano. Su lomba ta blauw y e tin un strepi geel ta core meymey di su curpa di dilanti te patras. Su aletanan of finnan ta caracteristicamente geel of geel manera nos ta pronunci'e.

Nan ta pisca di careda, referiendo traha pa landa distancia largo y cu hopi velocidad. Pesey nan diseño, largo manera torpedo y cu fin chikito a lo largo di lomba te na rabo. Nan rabo tambe ta fini manera luna nobo, y cual ta corta awe pa bay



dilanti rapidamente.

Na Aruba: E no ta mucho comun den capturanan di piscado local. Tuna hala geel ta un pisca di careda cu ta wordo gara aki na Aruba mayoria di biaha via di e metodo di slip (trolling na ingles) unda ta lastra e liña cu e haas of pluma tras di e boto en busca di e pisca. E ta un pisca cu ta pasa den nos awanan segun e ta migra y e periodo cu e ta pasa sa varia poco segun varios factor.

Ta intencion pa peri-

odicamente Santa Rosa saca mas informacion pa tocante di number di pisca na Papiamento. Si bo tin informacion of comentario pa engrandece conocimiento of si ta desea informacion of topico specifico pa nos amplia ariba, por manda esakinan libremente na info@santarosa.aw.

Si bo mes ta piscado y bo kier comparti bo captura di e pisca en cuestion, sea liber pa manda esaki pa nan considera publik'e.